

माओ त्से तुंग

ग्रामीण इलाकांग लोप्पा वर्ग-विश्लेषण बद्रम कियाना?*

अक्तुबर 1933

भूमि-सुधार काम लोप्पा भटकाव पैदा आसी मत्तांग अविन सुधरे कियाना काजे ओसो भूमि-समस्या किन सही तरीका ते हल कियाला काजे कामरेड माओ त्सेतुंग ना इद दस्तावेज अक्तुबर 1933 लोप्पा रास्तद मत्ता। इदिन अद समय ते मजदूर-किसान लोरा जनवादी केंद्रीय सरकार ता ग्रामीण इलाका लोप्पा वर्ग-हैसियत निश्चित कियाना कसौटी ता रूप ता मानेमातद मत्ता।

1. जर्मींदार

बोनिगा जमीन मंदिता ओर जर्मींदार आंतोर, ओर खुद मेहनत कीवोर आंतोर लेवेके पक्काए कम मेहनत कींतोर, ओसो किसान लोरा शोषण पोरो ने पिसिंतोर। जर्मींदार कियाना शोषण ता मुख्य रूप लगाना वसूल कियाना मंदिता: इदे आयवा पैसा उदार हियाना काम वेन्ने कींतोर, किराया ता मजदूर तासिंतोर, लेवेके उद्योग ओसो व्यापार कींतोर। मति किसान लोरगडल लगान वसूल कियानादु जर्मींदार ना शोषण कियाना मुख्य रूप आंदू। सामुदायिक जमीन प्रबंध कियाना ओसो स्कूल ता जमीन¹ तिंची लगान वसूल कियाना वेन्ने लगान-वसूली शोषण लोप्पाने वांता।

दिवालिया जर्मींदार वेन्ने जर्मींदार श्रेणी लोप्पाने तासमूझायर, ओर मेहनत कीवोर ओसो दूसरोर किन धोखा हीसी लेवेके लूटपाट किसी या दोस्त-रिश्तेदारी ता सहायता ते पिसिंतोर, ओसो ओना पिस्वल आम मध्यम किसान तुकू बेस मंता ओरकिन दिवालिया जर्मींदार इंतोर।

युद्ध-सरदार, नौकरशाही, स्थानीय निरंकुश तत्व ओसो बुरे शरीफजादा लोर जमींदारी वर्ग ता राजनीतिक प्रतिनिधि आंदूर, ओसो ओरा आमदनी मुख्य रूप ते जमींदार ना किसान लोरा शोषण पोरो आधार आसी मंदिता, ओसो ओना पिस्वल मध्यम किसान तुकू बेस मंता, ओरकिन वेन्ने जमींदार लोरा श्रेणी लोप्पाने गिनती कियाना।

बोर मानेयना आमदनी ता मुख्य स्रोत सूदखोरी संगे शोषण कियाना मंदिता ओसो ओना पिस्वल मध्यम किसान तुकू बेस मंदिता, ओरकिन सूदखोर इंतोम ओसो ओनकिन वेन्ने जमींदार श्रेणी लोप्पा तासिंतोम।

2. धनी किसान

साधारण इसाब ते धनी किसान नगा तन्ना खुद ता जमीन मंदिता। मति उचुन धनी किसान लोरगा खेती ता जमीन ता केवल उंदी हिस्सा तन्ना खुद ता जमीन मंदिता ओसो बाकी जमीन दुसरोर नगडल लगान ते पोइंतोरा उचुन धनी किसान लोरगा खुद ता जमीन मन्ने आंता ओसो पूरा जमीन दूसरोरगडल लगान ते पोयंतोरा। धनी किसान लोरगा आम रूप ते औसततुकू ज्यादा ओसो बेसता उत्पादन साधन मंदिता, ओसो औसत तुकू ज्यादा चल पूंजी मंदिता। ओसो खुद मेहनत कियाना लोप्पा शामिल मंदिंतोरा, मति ओना आमदनी ता उंदी हिस्सा ओसो ज्यादा हिस्सा हमेशा शोषण संगे हासिल कींतोरा। किराया ता मजदूर कियाना (लम्बा समय काजे मजदूर तासना) धनी किसान संगे कियाना शोषण ता मुख्य रूप मंदिता। इदे आयवा ओर तन्ना जमीन ता उंदी हिस्सा लगान ते हींतोरा अनि लगान-वसूल किसी शोषण किया परितोर, पैसा लागा (उधार) हिया परितोर ओसो उद्योग, व्यापार किया परितोर। ज्यादातर धनी किसान सामुदायिक जमीन ता प्रबंध वेन्ने कींतोरा। उचुन मुल ता वेल्ले जमीन बेस मंदिता, ओर किराया ता मजदूर तासवा लेवा खुद मेहनत कींतोरा, मति लगान वसूली, सूदखोरी संगे दूसरा किसान लोरा शोषण वेन्ने कींतोरा। वीरकिन वेन्ने धनी किसान लोरा श्रेणी ते गिनती कियाना। धनी किसान रोज शोषण कींतोरा ओसो वेल्ले धनी किसान लोरकिन आमदनी ता ज्यादा हिस्सा शोषण किसी वांता।

3. मध्यम किसान

वेल्ले मध्यम किसान लोरगा खुद ता जमीन मंदिता। उचुन मुल तगा खेती कियाना जमीन केवल उंदी हिस्सा खुद ता मंदिता, बाकी जमीन किन ओर लगान ते पोयंतोरा। उंचुन मध्यम किसान लोरगा खुद ता जमीन मन्नो आंता ओसो खेती ता पूरा जमीन लगान ते पोयंतोरा। सब्बे मध्यम किसान लोरगा खेती कियाना औजार सही मात्रा ते मंदितांग। मध्यम किसान लोरा आमदनी ता स्रोत पूरा ओसो मुख्य रूप ते ओरा खुद ता मेहनत मंदिता। आम रूप ते ओर दूसरोरा शोषण किवोर आंतोरा। वेल्ले मध्यम किसान लोर किन दूसरोरगडल लगान लेवेके कर्ज पोईसि शोषण ता शिकार वेन्ने आया लागिंता। मति मध्यम किसान आम रूप ते तन्ना श्रमशक्ति किन वम्मोर आंतोरा। उचुन मध्यम किसान (खुशहाल मध्यम किसान) उचुन दूसरोरा शोषण वेन्ने कींतोरा। मति इद ओरा आमदनी ता मुख्य स्रोत मन्नो आंता।

4. गरीब किसान

उचुन गरीब किसान लोरगा खेती ता जमीन सिर्फ उंदी हिस्सा खुद ता मंदिता ओसो ओरगा खेती ता साधन वेन्ने पूरा मन्नो आंता, दूसरा गरीब किसान लोरगा जमीन बिल्कुल मन्नो ओसो खेती ता औजार पक्का कम मंदितांग। आम रूप ते गरीब किसान लोरकिन खेती ता जमीन लगान ते पोय्या लागिंता, ओसो दूसरोर किन लगान लेवेके ब्याज हिसी ओसो तन्ना मेहनत ता हिस्सा किराया ते हीसि दूसरोरा शोषण ता शिकार आया लागिंता।

आम रूप ते मध्यम किसान किन तन्ना श्रमशक्ति वम्मना जरूरत आयो आंता मति गरीब किसान किन तन्ना श्रमशक्ति ता उंदी सुडला हिस्सा वम्मा लागिंता। इद मध्यम किसान ओसो गरबी किसान नडमा ता फर्क मंता।

5. मजदूर

मजदूर (ओरा लोप्पा खेत-मजदूर वेन्ने शामिल मंतोर) लोरगा जमीन ओसो औजार बिल्कुल मन्नो आंता। ओरा लोप्पा उचुन मजदूर लोरगा उचुन

जमीन मंदिता ओसो पक्काए कम औजार मंता। मजदूर लोर पूरा ओसो मुख्य रूप ते श्रमशक्ति वम्मसिए पिसिंतोर।

नोट

1. चीन ता ग्रामीण इलाका लोप्पा रक-रकम ता सार्वजनिक जमीन मत्ता। उचुन सार्वजनिक जमीन राज्य संबंध्यित मत्ता, इत्तेके जिला या श्यांग ता सरकार ता जमीन, उचुन बिरादरी व्यवस्था संबंध्यित मत्ता, इत्तेके बिरादरी ता पुरखा ता मंदिर ता जमीन, उचुन धर्म तुकू संबंध्यित मत्ता अद बौद्ध या ताओपंथी मंदिर या कैथेलिक गिरजाघर ओसो मस्जिद ता जमीन, उचुन सार्वजनिक कल्याण-कार्य संबंध्यित जमीन मत्ता, अद अकाल-निवारण काजे अनाज-संग्रह ता काम वायना जमीन, पुल, सडक बने कियाना ओसो ओरा देखभाल कियाना काम वायाना जमीन, ओसो उचुन शिक्षा-कार्य संबंध्यित जमीन मत्ता, अद स्कूल ता जमीन। इद्रम ता जमीन वेल्ले जमींदार ओसो धनी किसान लोरा कैदे मत्ता। किसान लोरगा केवल उंदी सुडला हिस्सा ता प्रबंध लोप्पा शामिल आया परितोर।